



## Mesiras per cas da direzza per interpresas en connex cun COVID-19

### Factsheet per interpresas cun ina svieuta annuala da passa 5 milliuns francs

---

#### Program per cas da direzza per l'emprim quartal 2022

Interpresas cun ina media da la svieuta annuala da passa 5 milliuns francs che san cumprovar **custs che n'èn betg cuvrìds en l'emprim quartal 2022 (schaner fin mars 2022)**, pon inoltrar enfin ils **15 da fanadur 2022** ina dumonda per agid per cas da direzza. Las expensas ed ils gudogns ston vegnir **inoltrads per l'entir quartal e vegnan considerads en lur total per quest spazi da temp.**

**AVIS:** l'interpresa po era laschar davent il mais da mars 2022 ed inditgar uschia che **mo ils mais da schaner e favrer 2022** vegnan considerads da maniera cumplessiva.

#### Premissas generalas ed ulteriuras premissas per agids per cas da direzza per l'emprim quartal 2022

Da principi valan las premissas generalas ed ulteriuras premissas (pass 1 e pass 2) sco era la procedura per inoltrar dumondas per agid per cas da direzza, sco ch'ellas valan era per tut las interpresas. I vegn renvià als auters Factsheets. Las differenzas vegnan inditgadas en la part che suonda.

#### Limitaziun da las contribuziun

Las contribuziuns èn limitadas a **9% da la media da la svieuta dals onns precedents e max. a 1'200'000 francs**, sche l'interpresa conferma ch'ella haja prendì dapi il 1. da schaner 2021 tut las mesiras supportablas per gidar sasez, spezialmain per la protecziun da sia basa da liquiditad e da chapital. Sch'ina interpresa na conferma betg quai, na survegn ella nagina contribuziun. Las limitas maximalas vegnan augmentadas suandantamain sut tschertas premissas:

- sin maximalmain 9 % da la media da la svieuta dals onns precedents e maximalmain sin 2 400 000 francs, sche l'interpresa demussa supplementarmain ch'ella ha purtà en l'interpresa dapi il 1. da fanadur 2021 nov agen chapital liquid d'almain 40 pertschient da l'import che surpassa la contribuziun da 1 200 000

francs en furma da deposit en daner blut;

- Sin maximalmain 9 % da la media da la svieuta annuala e maximalmain 10 000 000 francs, sche l'interpresa demussa supplementarmain che sia svieuta cumplaina en l'emprim quartal 2022 è sa reducida per dapli che 30 pertschient en cumparegliaziun cun la media da la svieuta dals emprims quartals 2018 e 2019.

## **Participaziun cundiziunada al gudogn (restituziun da las contribuziuns)**

Interpresas cun ina svieuta annuala da passa 5 miu francs suttastattan a la participaziun cundiziunada al gudogn tenor artigel 12 alinea 1 <sup>septies</sup> da la lescha da Covid-19 dals 25 da settember 2020. Decisiv e il gudogn annual 2022 suttamess a la taglia avant la deducziun da las perditas.

**AVIS:** Sche l'onn da gestiun na correspunda betg a l'onn chalendar, vala tenor il dretg fiscal il gudogn annual da l'onn da gestiun che finescha en l'onn chalendar 2022 (Explicaziuns da l'ordinaziun davart mesiras per cas da direzza per interpresas en connex cun l'epidemia da COVID-19 da l'onn 2022 (Ordinaziun davart cas da direzza 2022; HFMV 22).

Dal gudogn annual suttamess a la taglia pon ins deducir perditas d'impurtanza fiscala succedidas en ils onns da gestiun 2002 e 2021. Ina perdita en l'onn da gestiun 2020 pon ins mo deducir, sch'ella n'ha betg pudì vegnir resguardada tar la calculaziun dal gudogn net suttamess a la taglia en l'onn da gestiun 2021.

## **Documents e mussaments**

Interpresas cun dapli che 5 miu. francs svieuta annuala ston inoltrar ultra dals documents necessaris ils suandants documents:

- **Ils quints annuals per ils onns 2018, 2019, 2020** che cumpiglian la bilantscha, il quint da gudogn e perdita e l'annexa (sche l'interpresa suttastat a l'obligaziun da revisiun: ils quints annuals revedids)

**REMARTGAS DAVART LAS SPARTAS:** Per fa dumondas per sustegn per cas da direzza per **spartas**, ston ins inoltrar per l'emprim quartal 2022 ils documents correspondentes **tant per l'entira interpresa sco era per la(s) sparta(s)**.

## **Termin per inoltrar la dumonda per l'emprim quartal 2022**

L'inoltraziun da las indicaziuns e dals documents cun ina dumonda online u il contact cun il chantun per ina emprima dumonda sto succeder fin **il pli tard ils 15 da fanadur 2022**.

**Dumondas suenter quest termin na vegnan betg pli acceptadas.**

Cuira, il matg 2022